欽 定 全 唐

文

欽定全唐文卷二十二目録 元宗三 皇太子加元服制 敗封宋王憲為寧王制 贈王仁皎太尉益州大都督制 命所司簡閱文尺立樣制 封懷寧郡王嗣英制 命宋璟蘇頭修國史制 親謁太廟推思制

翁定全唐文/、港二十二 幸并州制 流姜蛟嶺外制 誠宗獨制 贈司馬承禎銀青光禄大夫制 授張說同中書門下三品制 科禁諸州逃亡制 改公卿子弟京官為外僚制 録京城囚制 贈葉法善越州都督制

封東光公主制 皇子納妃制 北都巡狩制 命張說兼中書令制貶張嘉貞幽州刺史制 禁百官交結匪人制 授鍾紹京郴州别駕制 1

改封嗣江王禪等為郡王制.

かんっことにまれて 川川 いていにてい 令戶口復業及均役制 追贈岐王範為惠文太子制 禁斷矯稱動使制 追贈申王撝為惠莊太子制 娶賜尸利佛誓國制 封故澤王男義珣制 改封契丹松漠郡王李邵固為廣化王奚饒樂郡 分遣蔣欽緒等往十道疏決囚徒宣慰百姓制 王李魯蘇為奉誠王制 目録

多片 全是文一卷二十二 幸長安制 録囚制 賜王希夷致仕還山制 改道辛長安制 授慶王潭等諸州都督制 優恤張守潔等制 授蕭嵩集賢院學士修國史制

尚書兼黃門監上柱國廣平郡開國公宋璟明允篤誠 宏簡茂先博物爰自重臣式膺兼領銀青光禄大夫吏部 古之良臣實難其人掌邦國之事明勘懲之道是以淑 欽定全唐文卷二十二 犯無隱銀青光禄大夫行紫微侍郎黃門平章事上柱 欠日立断し、美二十二元宗 在公聞山甫之頌抗直有史魚之節王言斯典曾是獻替 元宗三 國公蘇類忠肅恭懿察微知章並光我國積熙我帝 命宋璟蘇頭修國史制 國

章而不躬不親曷盡誠敬專自河洛旋於京師幸修齊祭 靈在天若享精意伊爾王公卿士下逮黎蒸道存念茲惠 增營太室尋以匠者功就饔人禮奉雖是做是則率由舊 致用蠲潔屬羣方驗奔庶位成旅裸奠式受感懷載殷聖 金与白月了一光二二二 修國史餘各如故主者施行 君舉必書亦惟襃貶宜崇鼎鉉之任更述盤盂之篇並可 聞理莫大於孝所以通神明事莫大於祀所以謁宗廟 此薄德獲承不緒恭虔夙夜弗敢遑寧去歲爰命有司 親謁太廟推恩制

大品 緣謁廟亞獻が王守禮終獻宋王憲各賜三百匹夾侍岐 與五品京官皇祖此諸家有子孫今在選飲者量加甄擇 六引官各減一等押仗官又減一等攝官依本官給有兼 充諸使者加一等兩京文武官并朝集使諸方道表一 汉 王範薛王紫各賜絹二百五十四自餘行禮及供奉三品 錫類七廟元皇帝以上三祖枝孫恐有失官序者宜各 外官三品以上有廟者各賜絹三十匹以修祭服俎豆 上賜一百六十四四品一百四十四五品一百二十 一百四七品八十四八品六十四九品四十四鹵簿 品品

謁廟有所修造專當官及當頓官始末不絕者各賜一 五段三衛飛騎萬騎并仗内無品人等賜五段十月正番 此行事齊郎及權補充者各賜物十段升階者各賜物 各賜物一百段副使八十段判官及修定儀注官各減三 欽定全唐文《卷二十二 方片 七十匹三品六十匹四品五十匹六品七品四十段九品 給賜人應兩處以上者從一多給唯有廟官之賜聽兼給 分之二行所州縣刺史上佐縣令等各準行從官與賜其 三十段從者加一等皇親諸親準品等禮儀置頓營幕使 上考知頓州各免一年租及地稅傍州緣頓供承者亦準

立宜其釋猶子之序居承嫡之位廬江大郡形勝攸屬用 緒宋王憲男嗣英魯廷學禮楚館聞詩德輝日盛忠概特 聞 衛士等各賜三段緣道路及置營幕損百姓麥苗者宜 圖爾居莫如兹地是錫分珪之寶俾承磐石之宗可封 州縣檢量優還價直餘應得而制書缺載者所司類例以 建侯樹藩命賢裂土以惇戚屬乃率典常司徒兼絳州刺 上柱國申王撝玉林分彩銀河疏液厥保慶靈未繁裔 封懷寧郡王嗣英制 一元宗

寧郡王食邑三千戸 欽定全唐文 卷二十二 光禄大夫守工部尚書上柱國彭城郡開國侯劉知柔攝 自大邦有子中闡作合以外舅之勞參上公之位績宣揚 同三司王仁皎神仙望族禮樂通材復道純粹執心夷簡 依常典式慰整魂可贈益州大都督贈物三千段米栗二 在昔王者在賢睦姻莫不存實寵光殁加禮冊故開府儀 千石喪葬事並官供務從優厚仍賜東園秘器宜令銀青 **悉誠著始終方保期頤遠從薨落興言震悼用側於懷宜** 贈王仁皎太尉益州大都督制

官更須就吊官為立碑 節齊書吊祭左庶子上護軍白知惧為副在京五品以上 鴻臚卿監護通議大夫行京兆尹上護軍崔琬為副銀青 兼涇州刺史上柱國宋王憲儀表碩望忠肅令名藝總經 光禄大夫守太子詹事上柱國安南縣開國侯雁承宗持 書才推禮樂列上公之位兼大藩之寵瞻彼行園舊稱茅 爰分寶玉載錫綏章必在親賢致之侯甸開府儀同三司 たことまして、長二二元宗 如北地今邇西都宜考良日之封用宏景風之命可 改封宋王憲為寧王制 9

金 员 全 厚 文 一 考 二十二 事可以來年正月加元服所司擇日奏聞禮官博士詳考 年傳紀魯襄之禮學若敬始謂之成人逮兹建正式展嘉 資敬大學齒胄而徵善大猷且酌元服宜申史稱周誦 長德之地務親仁之道爰就師保克修志業寢門問安而 元良所以主也鬯奉社稷貞於萬國祝以三加皇太子居 改封寧王食邑三千戸餘如故 故實允符令典 皇太子加元服制 令所司簡閱丈尺立樣制 U 之

故道士鴻臚卿員外置越國公葉法善天真精密妙理幽 時已載此數若求兩而加尺甚暮四而朝三宜令所司簡 不得過精惡不得至濫任土作貢防源斯在諸州送物 次記を与た一美二十二元宗 閱有瑜於比年常例尺丈過多者奏聞 理甚不然關尺八寸長四丈同文共軌其事久行立樣之 巧生端苟欲副於斤兩遂則加其丈尺有至五丈為匹者 頃者以庸調無憑好惡須準故遺作樣以須諸州令其 :包括秘要發揮靈符固以冥點難原希夷罕測而情 贈菜法善越州都督制

體應中仙名昇上德朕當聽政之服屢詢至道公以理國 在兆人俾遵大化爰措庶獄而愚妄之輩抵犯或聞向 謹閱迹混朝伍保黃冠而不拔加紫綬以非樂卓爾狐秀 五刑之用以禁好應三宥之設以於愚遣朕永康四海憂 禮命式實泉壤可贈越州都督 解之俄留何莫愁遺殱良奄及永惟平昔感馆於懷宜由 之法數奏昌言謀參隱諷事宣宏益歎徽音之未泯悲懸 冷然獨往勝氣絕俗貞風無塵金骨外聲珠光內映斯乃 金ちとようラオニー 錄京城囚制

乎晉范宣子讓其下皆讓晉國之人於是大和道之或行 京城内犯罪人等時令按覆其中造偽頭首及謀殺人斷 留載懷幽行思布生德宜崇減死之思式明宥過之典其 流遠處雜犯流移者各減一等杖罪已下並免 久己白事と、美二十二元宗 序率先庶條崇是讓德旣請外其職復降官以授傳不云 源弼等父在極近深惟謙挹恐代官之成列慮時才之未 死者決一百配流嶺南惡處雜斯罪死者決一頓免死配 可哀當宁與軫今天地旣蕭申嚴在命時分其令罪則無 改公卿子弟京官為外僚制

金安白月了一美二二 放乾元而資始至道無名合而先而首出自削平區宇混 自通融依資次處分 仁豈云遠因令文武百察父子兄弟三人併任京司者任 私畏如臨泉谷曷嘗不恭默思道夢寐求政從人之欲每 朕嗣守不運續承洪緒恐不能誕敷前烈光闡容圖夙夜 以萬姓為心屈已之勞嘗於一物失所但以法久而弊法 國家祖武宗文重熙累洽克清寰極大庇生人元德獨化 一車書六合晏然百有餘歲則我文武之業大造於上 科禁諸州逃亡制 蜜

多偷怠國章或弛此偽實繁今正朔所及封疆無外雖 弊則通制國以立法為先教人以占著為事自屬清星 向方是用恤孙窮免逋貸式廣自新之路便申莫厚之恩 欲去其末而歸其本閉其邪而正其德使法有所立人知 為於鄉隣實受其咎雖朕之薄德罪則在予非官無政吏 其泉藪或好吏為之囊橐逋亡歲積流盡日滋州縣不以 欠ら日野と、美二十二元宗 口旣增而稅賦不益莫不輕去鄉邑共為浮情或豪人成 不守法耳若浸以久安而肆之則國之隄防於是瑜紊今 州背軍逃亡人限制到日百日內各容自首準令式合

為百姓家口隨逃者亦便同送若限外州縣公私容在界各令本貫差官就戶受領過限不首並即括取遞邊遠附 金によったるラスニーニ 内居停及事有未盡所司明為科禁其天下勾徵通懸及 開元七年十二月以前並宜放免官與隱欺不在免限將 貸糧種子地稅在百姓限內先有追收之文案未納者自 說明立案記不須差遣先牒本貫知容至秋收後遞還情 仍與本貫計會停徵若情願歸買及據令式不合附者首 所在編戶情願住者即附入簿籍差科賦飲於附入令式 即還者聽待本鄉記免今年賦租課役如滿百戶以上

皇家可守兵部尚書同中書門下三品熟封修國史如故 緝熙帝圖非夫大賢孰寄斯任天兵軍節度大使右羽林 便百度伊始萬邦在宥人復其業官修其方凡厥庶家 亦前疑後丞諒可以宏此大猷總其邦政允釐庶績保 其公才生我王國體文武之道則出將入相盡忠貞之 將軍兼并州長史攝御史大夫燕國公兼修國史張說 欠日上馬と、大二十二元宗 《爾職俾率訓典以康政途布告遐邇使知朕意 下乾坤以陰陽化成后王以輔相與理所以寅亮天工 授張說同中書門下三品制

察等務須從減省所在公私并不得輕有進獻建者所繇 屬宗廟改修禮崇昭事永言配享必在躬親又眷彼晉陽 金与白月ラーまここ 幸并州取便路還京應須支計所留準式緣頓祗承一 是稱重鎮將陳詩以問俗式安邊而訓武雖來往祗供頗 朕頃自鎬京省方於维本以息轉輸之費即河瀍之殷今 仍即馳驛赴京 巴上並用當處官物不許科欽百姓其遞運及從兵馬官 有煩役而國之大事不可云勞宜以明年正月三日發雜 幸釺州制 一事

胀 钦定全唐文卷二十二元宗 慎明德今小人作孽已伏憲章恐不逞之徒猶未能息凡 孽合處極刑念兹舊勲免此殊死宜決 志盈滿之戒又虧靜慎之道假說休咎妄談官掖據其作 濟兆人熟眠加優厚之思兄弟盡友于之至務崇敦本克 秘書監姜皎往屬艱難頗效誠信功則可録寵是以加旣 州縣官及進獻人各量事貶罰布告退邇咸使聞知 岩臨宇内子育黎元内修睦親以敘九族外楊庶政以 流姜皎積外制 誠宗屬制 一頓配流欽 九 州

於懷宜贈徽章用光丹錄可銀青光禄大夫號真一先生 道士司馬子微心依道勝理會元遠過遊名山密契仙洞 名登真格位在靈官林壑未改退霄已曠言念高烈有槍 存觀其妙逍遥自得之場歸復其根宴息無何之境固以 混成不測入寥自化雖獨立有象而至極則冥故王屋山 在宗屬用申懲誠自今已後諸王公主尉馬外戚家除非 永協和平之義克固藩翰以保厥休貴威懿親宜書座右 親以外不得出入門庭妄說言語所以共存至公之道 贈司馬承禎銀青光禄大夫制

端 次定全甚之一长二十二元宗 殊效賜以崇班未答恩私自招瑕累雷雨作解品物惟 百官等禄秩既優勲賢是寄皆合守其正道無宜聽彼異 言念舊勞稍加甄紋可柳州別駕 一樣達斯作因構體歷遂行到毀取陷網羅良增歎息懲 至如十祝之流妄陳休咎占候之輩假託徵祥部感既 足以勸百有犯不可無刑姦狡以此累身百僚誠宜飭 州懷恩縣尉員外置鍾紹京夙負藝能早申誠節錄 禁百官交結匪人制 授鍾紹京柳州别駕制 皇太子妃城女可慶王妃仍令所司備禮至都册命 以儷青官之寵仇朱邸之義式昭聞訓用光嬪則絕女可 容言必圖史之規動選珩珮之節惠問蘭郁清心玉映足 金ケイスのラニー 女寶希城第四女威里承休渭陽傳慶婉順成性柔閒有 龍樓內範輔成元良之德鳳邸中開克酯樂善之美自非 遊來往仍令御史訪察有即彈奏當加嚴罰 已自今已後各宜謹慎並不得與如此等色及無職人交 地兼茂容則非修何以式副好述允兹華選薛紹第六 皇子納妃制

炎漢盛禮蕃國是和烏孫降公主之親單于聘良家之子 遠之思已歸於上略采楚之慶載睦於和親宜正湯沐之 聿備漸公宮之訓承內家之則屬林胡拜命杆塞無虞柔 封式崇下嫁之禮可封東光公主出降饒樂郡王魯蘇 永惟前史率由舊章故成安公主女韋氏六行克昭四德 漢圖旣采蕃國是親公主嫁烏孫之王良家聘氈裘之長 欽若前志抑有舊章餘姚縣主長女慕容氏柔懿爲德幽 封東光公主制 封燕郡公主制 . 元宗

武聖德應天受命龍躍晉水鳳翔太原建萬代之模為億 欽定全唐文 卷二十二 > 5 兆之主猶成湯之居亳有周之與岐顧朕眇身纂承昌運 之德亦資於元女宜光兹寵命睦此蕃服俾遵下嫁之禮 則今林胡請屬析津關雖無外之仁已私於上略而由內 開在性蘭儀載美蕙問增芳公宮之教夙成師氏之謀可 以叶大邦之好可封為燕郡公主出降與松漠郡王李鬱 邦創制建都設險必因時順人統物立極我國家以神 并州置北都制

邊 守宗社之大寶恢中原之鴻業叶時十行始經此都事 神祇潜豎豈予匪德獨享厥休昔堯理唐郊式建丹陵之 原晉陽為赤縣諸縣為畿縣官吏品第視京洛兩府條理 地漢居洛邑更表南陽之都今王紫正與官觀猶在列於 朕爰自廛雒有事省方乗發生之和因豫動之慶將欲恤 因心情兼惟舊近者嘉祥薦至休瑞曼臻此皆宗和降靈 州宜置北都改州為太原府刺史為尹司馬為少尹太 郡情所未安非所以恢大聖之鴻規展孝思之誠敬其 北都巡狩制

欽定全唐文 卷二十二 75 中書令張嘉貞備位宰相夙承恩命不能勵其公節以訓 首以外自餘雜犯流死等罪各減一等徒以下放免百姓 吏委御史覺察彈奏 及行人家如有單貧不濟不能存活者量加賬給其侍老 有賢良官人有清白並令中書門下採訪名聞其貪濁之 仍各賜物三段見禁囚徒除十惡及身犯反逆并造偽頭 其行幸所至處宜令刺史縣令存問百年老病鰥寡惸獨 鰥寡問老疾陳詩展禮點幽陟明使滞伏必申微物成遂 貶張嘉貞幽州刺史制

豈可仍踐台階儀刑百辟貶居藩守伊肅朝倫可幽州刺 書門下三品燕國公張說道合忠孝文成典禮當朝師表 私門其弟嘉祐頃緣獎愛遷在清秩憑龍自肆贖貨有彰 中書政本實管王言咨爾夏部愈曰惟允兵部尚書同中 簡於朕心茂功著於王室資予良弼光輔中與廼眷專車 台座計謨備陳匡盆入則式是百辟出則賦政四方嘉績 欽定全唐文人卷二十二元宗 代詞宗有公輔之材懷大臣之節儲官侍講早申異賛 命張說兼中書令制 圭

膺靈則朕又懼焉今大典克舉美祥允治自天之祐豈子 **壝壇寶鼎出地奠兹玉帛樂光塞河將何以幽答神心上** 安北狩纤都南轅汾上覽漢武故事修葺舊祠時惟仲春 自古受天之命作神之主崇德祀地盡孝配親存乎禮經 是稱樞密宜兼出約之任式副具瞻之舉可兼中書令 曰吾不與祭如不祭豈非躬盡孝敬以致神祇乎而經始 地氣萌動將先政本為農析穀齋戒惟寅粢盛惟潔仲尼 不可關也朕承累聖之緒仗卿士之力方隅清諡宇宙人 祠后土獲符瑞行慶制

官賜勲一轉中書門下三品六尚書御史大夫食實封三 者六品巴上官先授五品六品已上階經十六考者令所 壇官三品已上賜爵一等四品已下各加一階應入三品 飲定全唐文·卷二十二元宗 業不見盛時念功思舊情有感惻並令所司檢勘亦各與 五品現任四品已上官先授三品四品已上階經三十考 賜物七百匹申王撝岐王範薛王業各賜物五百匹餘升 品以上功臣與各一子官其立功萬騎身亡殁者雖預創 司勘責奏聽進止諸緣大禮有職掌官賜勲兩轉餘陪位 人思與百碎同兹嘉慶亞獻邠王守禮終獻寧王憲各 占

吏 以佐王教兵部尚書兼中書令張說履道體正經邦立言 英内訓五品外清九服嘉謨必盡庶績允釐宜參五臣之 命以正三台之象說可中書令股可兵部尚書同中書門 部尚書王般忠肅剛簡博聞宏識並才包王佐望重時 子官改汾陰縣為寶鼎縣官同升壇官例賜一 三品 下周稱內史以司號令漢曰尚書是主喉舌用平邦典 授王晙朔方節度使制 授張說中書令王晙同三品制 階

乎在朔方古郡實日新邦雖夷狄巴平河縣無事境路戎 德武稱敵國文乃時宗憂邊之誠所懷必盡奉上之道知 馬地雜坰牧蟾言備豫深仗威謀王晙學綜九流才苞士 馬並委唆檢察置之 疆賞不失勞舉無遺德伊憑廟堂之策克平邦國之事可 周建司馬以申九法漢用丞相兼撫四夷伐畔柔服於是 無不為出則守於四方入則式是百辟辨兹旗物制我封 持節兼朔方軍節度大使其河西隴右河東河北諸軍征 躬享九廟制 · 心於

寡昧猥承不緒獲主祭祀一紀於兹輔相之宜下不足以 崇建宗廟禮之大者津追孝享德莫至馬今宗以立尊親 被物馨香之德上不足以動天故歲或不登刑且未恤內 克荷成命昭外前烈蓋王者之子道乃聖人之神教朕以 帝王承天必崇告類之典文武尊祖是遵嚴副之義所以 德獲承種祀不躬不親曷展誠敬宜用八月十九日祇見 欽定全唐文 卷二十二 九室 無遷戶永惟嚴配致用蠲潔棟宇式崇禄奠斯受顧兹薄 祀南郊制

舊草 豐此旨先聖無疆之休上元啟佑之即冀因報謁式展誠 獻歲之吉迎氣方始敬順天時無違月令所由長吏可舉 敬宜以迎日之至允備郊天之禮所司詳擇舊典以聞 シニン・ラン・一元京 省為愧大禮猶鬱星晷驟遷風夜祗懼今四夷內附諸侯 不達觀於國風故親巡河東所穀雅上神歌有答歲物以 職奉生和治百物卓審猶恐教或未乎求之皇極誠有 授王邱等六人刺史制 令舉獻歲舊章制

成以修身之府載深經國之圖朕所明知躬自推擇是有 良以矯過弊仍重諸侯之選故自朝廷始之王邱等行為 多 安 全 唐 文 卷 一十二 : ! 事君之節在於匪躬為臣則忠期於無隱黃門侍郎同中 煩卿之寄用彰恤下之心俾牧人宣條無處於明哲而變 帝載乾乾夕惕無忘厥旨而長吏不稱蒼生靡寧深思循 昔鼻繇與禹言乃曰在知人在安人此皆念在邦本光於 風致理可輯於遺黎爾其克沃朕心式欽往命 時宗才稱人秀實有懿德者於衣冠加之善政布在臺閣 貶宇文融汝州刺史制

未為速底達爾弼朕則付於昌言謀而不滅近頗彰於公 中樞之位居外藩之寄可汝州刺史 書門下平章事字文融幸藉藝能俱承推擇往以封輯 たことによりして、たいここ元宗 勤庶政將欲克復古訓貽範方來頃以王國絕紀旁宗 國之宗盟掛以藩屏用親九族以制萬邦朕恭黙思道 論交游非謹舉薦或虧將何以論道三台具瞻百辟宜報 戸漕運邊儲用其籌謀頗有宏益三遷憲府再入禮闡仍 以計謀委其密勿雖十旬八拜一日九遷方此超騰彼 改封嗣江王禕等為郡王制

乃誠宜有褒賜可遥授左武衛大將軍賜紫袍金鈿帶 金与全層文卷二十二 令嗣越王思順為中山郡王 員外率更令嗣密王徹為濮陽郡王再從兄太子員外家 信安郡王秘書少監嗣蜀王渝為廣漢郡王再從叔太子 情所未忘況其嗣侯已積年歲永言主祭因心怵惕宜降 殊常之澤仰申敦駐之道再從兄將作大匠嗣江王禕 繼事非允正奚妨命停而立愛自親推恩由近禮雖云異 利佛誓國三尸利陀羅拔麾遠修職貢載勒忠款嘉其 襄賜尸利佛誓國制

義美化件於二南可謂具瞻百僚儀刑列辟朕將永康兆 備禮就加無命陪葬橋陵 庶方自友于天不愁遺奄從薨逝永惟仁範哀慟纏懷用 性温恭孝友挺自生知樂善好書清飲邁於兩獻深仁厚 心天屬之深情殷追遠故司徒申王撝嚴哲聰明本乎天 德盛者必享休名道高者必膺殊典況人倫之重義切因 表非常之榮少寄天倫之威可追贈惠莊太子宜令所司 これ、一九二十二元六 追贈申王獨為惠莊太子制 分遣蔣欽緒等往十道疏決囚徒宣慰百姓制

守制到日處分仍令中丞蔣欽緒往河南大理少卿明珪 道右庶子高仲舒往江南西道職方即中鄭續往劒南道 秘書丞張優冰往淮南道殿中侍御史孫濟往雕右道賛 業思濟元元下之陷辜上教不至在予之責何咎於人今 惟刑是恤止殺之深仁寧失不經好生之大德朕躬膺不 往關內刑部即中張樽往河東水部即中崔恂往山南東 罪悉原之都城内委中書門下當日疏決處分京城委留 多好全唐文 卷二十二 : 以順發生之氣其天下見禁囚徒死罪宜降至配流已下 優端肇緒陽和獻歲思布德澤惠此图圖將宏愷悌之恩

苦者各令州縣量加醫療及賬恤其嶺南五府積西四鎮 郎中張烈往江南東道並即馳驛發遣所至之處疏決 徒宣慰百姓其有窮乏交不存濟及侍老行人之家有疾 善大夫張景幽往河西道右諭德李 次定全善文 第二十二元宗 非流配効力等見禁囚徒各委節度使及本管都督府處 李邵固等輸忠保塞乃誠奉國屬外寰中無遠不屆而華 分布告遐邇知朕意焉 改封契丹松漠郡王李邵固為廣化王奚饒樂郡 王李魯蘇為奉誠王制 林甫往山南道主客 記 凶

裔靡隔等數有加宜賜休名俾承慶澤 使旨發中使以此參察因易區分宜令州縣嚴加捉捐勿 容漏網 貢獻或妄云追人肆行威福如此等色猶須禁斷若緣别 如聞在外州多有矯稱勃使詐乗傳驛或託採藥物言將 自与とよう ラニ 愛親親之至乎故太子太傅上柱國岐王範特直聰明率 聚崇名器所以尊德也光昭典禮所以飾終也況天倫之 禁斷矯稱勃使制 追贈岐王範為惠文太子制

禮之命用寄孔懷之哀可追贈惠文太子 にいたいたりしていた。これに元宗 漸慶元族分樂帝系早承光龍列在威藩中因間言久不 先親之義所以敦飲廣封之道所以利建故澤王男義珣 憑魯衛之政率流雍穆之風並圖輔德機期殲良奄及想 由孝友好書不倦樂善無忘固已作則列藩儀型百辟方 之命可封嗣澤王 同氣而莫遂望懸獨而何追言念平生情深震動宜加殊 嗣既宗英有譽而邦翰用崇宜順景風之典仰宏宅土 封故澤王男義珣制

式納課分配令得均平 豈可因循自今已後諸郡所載門夫宜於當郡縣通率準 多者累載方始一差中男少者一周遂役數過旣緣偏併 應有復業者宜並却還縱已代出租稅亦不在徵陪之限 先以親隣買賣及其歸復無所依投永言至此須加安輯 天下諸郡逃戸有田宅產業妄被人破除并緣欠負稅庸 多 牙 全 厚 文 光 二十二 國之役力合均有無比來應定門夫殊非得所每縣中男 崇祀元元皇帝制 令戸口復業及均役制

高祖應之遂於神降之所置廟改縣日神山近日廟庭屬 元元皇帝仙聖宗師國家本系昔草珠之始告受命之期 纂敘鴻業允請愈能兵部尚書兼中書令蕭嵩自天生德 彰嘉瑞度荷靈應祗慶載深宜令本州擇精誠道士七人 惟國之楨孝友温仁稟於性與明密忠謹自然道合禮樂 鉤深學海囊括詞林盛周公之典謨懸仲尼之日月何以 於龍角山廟中潔齊焚香以崇敬奉 明乎國史所以宏闡大猷觀乎人文所以化成天下自非 授蕭嵩集賢院學士修國史制

欽定全唐文卷二十二万岁 資其關藻風雅由其發揮足以掌書殿之秘文紬史策之 散大夫守國子博士聽致仕還山每歲春秋州縣致東帛 徽烈論道而講學司論而記言伊垂作範之規用成不刊 壑屬封齊展禮側席在賢貴然來思克應 嘉召雖行綺 徐州處士王希夷絕學棄智抱一居貞久謝器塵獨往林 典可兼集賢院學士知院事兼修國史餘並如故主者 跡已過伏生之年宜命秩以尊儒伊全高於尚齒可朝 賜王希夷致仕還山制

樹藩維列鎮而考其政聲謀帥而訓其戎旅徵皇漢之故 閱禮敦詩好賢樂善履忠肅而無替遵法度而不機器蘊 事並建親賢採分陝之遺塵化行江氾爰崇磐石永固宗 朕欽承丕緒司收黎元訟息刑清遠安邇肅思宏備位式 欠日 AIBL 美二二元宗 分麾作鎮授鐵專征式茂朝章宜恭嘉命以慶王潭寫凉 謀猷才兼文武任兹連帥統彼元戎幹略攸歸賢能是擇 **秘慶王潭等並稟秀玉林分華瓊苑夙彰韶譽久踐義方** 酒肉仍賜衣一副絹一百匹 授慶王潭等諸州都督制

維為河南牧穎王雲為安東都護平盧軍節度大使永王 金牙白月了一十二十二 使延王洄為安西大都護兼四鎮節度大使盛王沐為揚 度大使棣王治為太原以北軍州節度大使鄂王涓為 州大都督 右節度大使光王洛為廣州都督兼嶺南經略大使儀 州大都督兼河北諸州節度大使樂王混為京兆牧兼雕 州都督兼河西節度大使忠王沒為單于大都護朔方節 為荆州大都督壽王清為益州大都督兼劒南節度

景福紛委遂荷靈捲登於介邱先天成功允答休佑蓋散 朕專自鎬鄭省方瀍洛屬九服寧晏四時順成殊徵龎殷 欽定全唐文 卷二十二元宗 頓支供一事已上並用當處官物不須科飲百姓其遞運 之義可以今年閏九月十日取北路幸長安所司準式緣 予多怨況關輔之地頃則有年宜叶上征之祥式展時巡 天知命不敢以寧也我來於東歲亦數稔而西土者老後 遐邇知朕意焉 及行從官僚等物從減省所在公私不得輕有進獻宣布 改道幸長安制 重

準式 嘗不養之如子視之如傷驅彼代俗野之仁壽使勝殘之 水浸於邑居載懷憂惕無志鑒寐且從南路幸長安所司 道自我王政好生之德治於人心皆遷善以遠罪亦有取 邁抑惟常典寧敢憚勞將欲西巡元取北路今同州有暴 朕作人父母為天下君豈將嚴麻為逸嘗以億兆為念何 陵寢所在自展義河雜已歷歲年所以式遵上征有事時 朕君臨區宇子育黎元每懷勤恤不欲勞煩而鎬京之地 録四制

克著忠勤奄隨化往良深震悼言念旅概猶在遐方用加 特宜免死配流者配邊州効力徒已下罪並放免官人犯 愚者猶聞抵冒當宁發想與言疚懷宜布惠和之澤用申 欽定全唐文《卷二十二元宗 矜降之典 伸率土之内知朕意焉天下見禁囚犯死罪者 贓罪不在此例其未有斷結者各處本犯定刑名準此處 故盆州長史張守潔故桂州都督員嘉靜等並守委藩鎮 且格靡然向風以致刑措令秋典戒令理官議獄愍 優恤張守潔等制 茜

優恤以慰泉壤宜官造靈舉給傳還鄉所緣葬事並委有

大己二新したといい、日母電社選李元紘平章事制	封唐昌公主等制	討吐蕃制	令隴右河西備邊制	順時宥罪制	宣慰河北州縣制	命備吐蕃制	元宗四	欽定全唐文卷二十三目錄

.

金岁白月了一卷二十三 幸東都制

欠色上手し! 大二十二 目録 授韓休黄門侍郎同平章事制 幸北都制 追封安金藏代國公制寬宥天下囚徒制 發諸州義倉制 命李高使吐蕃制 命貢舉加老子策制 遣使宣慰江南淮南等州制 加常芬公主實封制

金牙生居了美二十三 封李過折北平郡王制 授信安郡王禕滑州刺史制 授裴耀卿侍印張九齡中書令李林甫禮部尚書 贈究國公陸象先尚書左丞制 授李尚隱戶部尚書盆州長史劒南節度採訪使 加張果封號制 允禮部尚書王邱致仕制 制 制

钦定全唐文 卷二十三 命宇文晏襲封介國公制推恩臣庶制 恤刑制 罷侍中裴耀卿中書令張九齡為尚書左右丞答侍中裴耀卿論服制手制 授慶王琮司徒制 遷衛州長史盧見象等制 千秋節宴羣臣制 制 = 相

						1
				小安郡王 暖等	廢皇太子瑛為庶人制	
		,		實封制	人制	
gamma der eng a del	<i>,</i> .					

臣妾納貢述職咸赴關庭惟吐蕃小醜忘我大德侵軼封順人心無隔於夷夏柔服四裔底綏萬邦慕義向風盡為有國永圖朕以虚薄君臨寓縣上奉天道務在於生育下慎守疆場所以備不虞訓理甲兵所以存禁暴列代通典 域抄掠邊毗言念於兹無忘鑒寐且本設方鎮以防緣邊 欽定全唐文卷二十三 至於警急宜相救援今故糾合諸軍團結勁卒務令首尾 元宗四 命備吐蕃制

欽定全唐文《卷二十三万片 集會州下十月無事便赴本道候賊所向賊於河西下即 統領以候不虞更於關內徵聽兵一萬人以六月下旬集 六千人赤水軍團一萬人玉門豆盧軍各二千人並依舊 臨洮十月無事放散朔方取健兒拏手一萬人六月下旬 **戎可期戰勝斯在隴右通共團結馬步三萬九千人臨洮** 軍團八千人河源軍團六千人安人白水軍各團一千五 犯退無所歸林馬練兵觀釁而動屯田積穀固敵是求珍 相衛心力叶同張羅網之形開犄角之勢伊窮寇進不能 百人積石莫門軍各團二千人河西道蕃漢兵團結二萬

襲令河源積石莫門兵取背掩撲賊於河源下朔方兵從 耕且戰各宜訓勗以副朕懷 掩撲賊於鳳林關下朔方兵赴臨洮與鄯州兵合勢邀襲 乳漫波河并臨洮軍兵馬河源軍合勢邀襲赤水軍取背 征行人家口等去年水涤漂損田苗頻遣使人所在巡撫 次色在唐之一 长二十三元宗 河源積石兵取背掩撲所要甲兵遂便支候公私管種且 令隴右兵取閤川過朔方合兵取新泉與赤水軍合勢邀 河北遭水處城傍及諸蕃投降人先令安置及州縣被 宣慰河北州縣制

蒼生每思優養無忘鑒寐今故遣中使左監門衛將軍李麥未登丁壯既差遠行老少慮不支濟朕身居黃屋念在 罪並責保放營農今詳其刑格亦非重罰已釋图圖不可 項屬初陽摩授移輦新宫因施惠布德用順時令徒已下 安堵以副朕意 善才重此宣慰宜令州縣簡責有乏絕者準吏給糧俾令 兼令州縣倍加於恤不知並得安存與否今舊穀旣沒新 金与とようショネニーニ 更收宜許自新特從免放 順時宥罪制

當須蓄銳以逸代勞其當賊路要害軍縣處須量加兵馬 官慢盗式遏乖所者必寘嚴惡仍曉示使各勉職以副所 委其管城壘應築未了者並早令畢功無致延緩關於備 吐蕃尚聚青海宜令蕭嵩張志亮等審察事勢倍加防禦 雕右河西地接邊寇雖令團練士卒終須常戒不虞如聞 須知主將已下若捉搦用心事無不理者當加重賞如廢 逐便通融處置仍揀擇有幹略人簡較明為探候動靜 令龍右河西備邊制 中郎将不限白身官資一例酬賞速令布告成使聞知 姓王斬獲大將軍者授大將軍獲次以下者節級授將軍 於晷刻然賞罰必信懲勘在焉號令不明忠勇何望若迴 今北軍羽騎萬弩齊發山西飛將百道爭先掃蕩之期在 昏迷反道天地所以制罰戎狄亂華帝王所以耀武吐蕃 西剱南等州節度將士以下有能斬獲吐蕃賛普者封異 小聰頻年犯塞壞我城鎮虜我邊人言念征夫良深憤惋 避縱敵則寘國刑如克雋擒兇須懸軍格其河西隴右安 討吐蕃制

封寧親公主各食實封五百戶唐昌公主出降張均俱用第四女可封唐昌公主第六女可封常山公主第八女可 度今選婚華族待禮笄年宜加璽綬之典俾開湯沐之賦 有女師因其婉娩之性進成肅雍之德能鑒圖史頗知法 邦女下嫁義著周經帝子建封制存漢傳朕訓導諸子舊 八月十九日所司詳備禮物式運故事 出納王言發揮編翰宰相之任選衆推賢檢校黃門侍郎 罷杜遲李元紘平章事制 封唐昌公主等制

情惟隱蔽掩其累而不率遂其過而彌彰將何以緝敘三 欽定全唐文、卷二十三方 成勵忠勤用登樞揆雖清以自牧而道則未宏不能同心 同中書門下平章事杜遇同中書門下平章事李元紘等 尚書右丞相兼侍中源乾曜十載持衡一心自牧台鼎斯 曹州刺史 光儀刑百辟宜回中禁俾列專城遇可荆州長史元紘可 勢力以祗帝載而乃肆懷相短以玷朝綸朕緣事聰股肱 重管綜維繁雖功力在公而暮年微疾便司端接罷劇中 停源乾曜侍中制

章之惟舊其有辯言亂政實誠殷書偽行登朝深憋魯典 敷鹽州都督府兵曹參軍郭稟等趨走末品姦譎在心左 訓俗理必由乎在位有犯無隱名教之攸先上和下睦憲 朕聞四時之義信在不言三代之風德以歸厚道可光乎 樞宜停侍中其尚書左丞相如故 にんこれは、一門、こここの元宗 承議郎守興州别駕麻察頻經貶逐理合遷善乃交構將 朝請大夫守吏部侍郎上護軍齊澣累踐清要誠宜至公 離間君臣作諂黷之笙簧是德義之蝥賊都水監丞齊 貶齊澣麻察等制

布之朝綱知朕意焉 遠逐擀可高州良德縣还員外置長任察可海州皇化縣 道與人橫議於下並青蠅可鑒害馬難容或任高星象或 名微草芥上恥大夫之辱下羞徒隷之刑特解嚴誅宜從 多只全庫文 卷二十三 長流白州仍並差使馳驛領逐雖萬方之過情切在予而 尉員外置長任敷宜量決一百長流崖州稟亦量決一 可不務乎如或迹在不經思出其位雖輕勿赦抑有常法 百碎忠公事主出惟長者之遊言必先王之道光昭雅訓 四罪以聞刑其自爾且如非賢勿理食禄憂政庶乎文武 百

規 舌之任儀刑百辟則庶績其凝藻鏡九流則具瞻惟允進 吏部尚書裴光庭忠公性與禮樂天資為社稷之臣總喉 閒 闡尊儒之義經緯廟堂之略論思秘館之文愈曰爾詣 政 於予理往膺寵命克昭丕績可充宏文館大學士餘如故 獻替明謨每竭絕編盡簡成誦不忘固可以尚論之 出周孔挺生則無以翊替經綸發揮圖史者矣侍中兼 理鴻業宏之者大賢文儒盛美典之者茂德自非夔 授裴光庭宏文館大學士制 加 白履忠朝散大夫制 餘 期

里 班 寵賢之美可朝散大夫 處士前秘書省校書郎白履忠學優網簡道貴邱園探蹟 欽定全唐文、卷二十三万 卿孝悌立身靜退敦俗年過者達不雜風塵盛德早聞通 自高元冕非貴几杖云暮章秋宜加伸承禮命之優式副 以見其微隱居能達其志故以汲引洙泗物色夷門素風 是錫豈惟旌貴山藪實欲獎勘人倫且遊上京徐還故 中嚴銅禁制 放還白履忠制

不堪於器用復不同於實物唯以鑄錢使其流布宜令所 本若本殿末貴則人棄賤而務貴故有盜鑄者冒嚴刑而 以濟單貧之資錢之所利人之所急然絲布財穀人民為 欠らというというたった宗 欲使天下流通焉可得也且銅者餒不可食寒不可衣旣 不悔藏雖者非倍息而不出今天下泉貨盆少幣帛頗輕 古者作錢以通有無之鄉以平小大之價以全服用之物 所在採銅鉛官為市取勿抑其價務利於人 加鑄委按察使申明格文禁斷私賣銅錫仍禁造銅器 迎氣東郊推思制

考古之要莫不由斯朕自膺寶位欽若上元萬物叶心庶 大辟罪已下罪無輕重已發覺未發覺已結正未結正繁 澤其天下見禁囚徒自開元十八年正月五日昧爽已前 令始謀作則先有事於春郊宜因展禮之辰别布惟新之 今二十年矣何嘗不夙夜祗畏憂勞在懷思致黎元以宏 務簡易齊七政以察璿幾勸兆庶而勤稼穑日慎一日於 皇王之大化備載於所陳必順時而行政將奉天而育物 金号石屋了一考二十三 政理屬獻歲初吉乗時布令是用敦本復古將必稽於月 囚見徒常赦所不免者成赦除之其左降官及流移配隸

色被停解免與替人等非犯贓者宜令司存勘責量加收 憂服滿者亦準例稍與量移其亡官失爵放還不齒及諸 劫害身已亡殁其家口放還流人及左降官考滿載滿 勾徵欠負等色在百姓腹内未納者并一切於免亞獻太 安置罰鎮効力之類并宜量移近處其官已復資至飲 **敘其衰老疾病者仍與致仕官天下百姓今年地稅弁諸** 之時不須為累其流人配隸并一房家口者所犯人情非 有司職掌等各賜東帛有差率土之內賜酺三日其海內 子鴻賜物二千匹終獻寧王憲賜物一千匹文武百官及 二十二一人 元二二元宗

多定全 是文 光三十三 序在平平分五村資於並用式稽乾坤之義載明文武之 乾坤沖用陰陽所以運行帝王大業文武所以垂範故 仙忠臣義士先有祠廟者各令郡縣逐處設祭 五嶽四濱及諸鎮名山大川及靈跡并自古帝王得道升 卷舒而莫測星辰應變而無方誰其尸之則齊太公之道 道永言舊章斯典未治自我而始爰備關文昔羲皇立弘 齊設配兩儀而共久至若用之以仁義行之以禮樂龍豹 失之象黃帝有甲兵之事將以定禍亂濟生靈分二柄而 立齊太公廟制

尚父廟 飲定全害文K~卷二十三元宗 也故宣尼大聖立文以化成尚父維師仗武而宏信齊魯 州賓貢武舉人準明經進士行鄉飲酒禮每出師命將辭 日式崇大典垂裕後昆宜令兩京及天下諸州各置太公 之道列親賢之教與鬱為政源崇我王業遂使金石之奏 **說發日便就廟引解仍簡取自古為將功業顯著康濟生** 永播於蹲龍之庭蒸嘗之享不行於非熊之室文武並設 人者十人準十哲例配享 不然矣豈王風云季禮沒於前修將帥是尊慶彰於今 所以張良配享春秋二時取仲月上戊日祭諸 上九

美仍勞於轉輸中壤均舟車之湊頗聞於殷積朕所以 幸之誠三川勤後予之請然猶未便順動且念人勞期 時度宜期於利物者也況河汴頻稔江淮屢登二周 亦盛固不可俟於今日庶用協乎光天豈肆心於宴安期 順 來年方議時邁而頃京輔近甸膏澤未均陝維之交稼穑 三秦九维咸曰帝京五載 備法駕整勾陳清蹕崤潼觀風河錐宜以今年十月 而從幸兩京供帳宿有儲擬十 東都制 巡時 惟邦典上腴多饒行 月滌場是因暇隙信 馳 望 相

常芬公主公官成訓歸妹有儀錫號疏封雖已治於前典 次記全書文 卷二十三元宗 務在三時遵其五教此邦家之典也非悅勘無以成其業 推恩食邑猶未崇於後命宣書沐賦之樂式昭築館之義 備禮物式遵故事 用天之道分地之利此庶人之事也非濟育無以致其功 可食實封五百戸用今年九月丁巴出降張去奢所司詳 日幸東都所司準式 發諸州義倉制 加常芬公主實封制

種子據其口糧貸義倉至秋熟後照數徵納庶耕者成業 窶且義倉元置與眾共之將以克濟斯人豈徒蓄我王府 滋非所謂益寡衰多務糖較本之方也思宏惠恤以拯貧 自今已後天下諸州每置農桑令諸縣審責貧戸應糧 均蘊利之徒猶聞贅聚靜言其事應有厥縣如聞貧下之 朕當夜分思理明發聽朝惠綏羣元若保赤子議獄以緩 死薄征以息人年穀頗登時政庶緝而家給之長仍或未 人農桑之際多關糧種咸求倍息致令貧者日削富者歲 知勸生厚而德正時順而物成國富家肥於是平

序草木自樂而或入於罪隸嬰於春東同被亭育之思未 欽定全害文人卷二十三元宗 行慶施惠所以奉天時緩刑恤獄所以愛人命今陽和布 天下囚徒罪至死者特寬有配隸領南遠惡處其犯十惡 暢生成之施言念於此深用憫然思宏時令以哀黎庶應 已下罪并宜釋放其有官吏犯贓推表了者仍推取實收 及造偽頭首量決一百長流遠惡處流罪罰鎮三年其徒 凡厥主守稱朕意焉 名記然後準降例處分計贓一匹已上及與百姓怨雠 寬宥天下四徒制

組兼勒名於金石 街珠已備於休命而疇庸疏爵未治於殊樂宜錫龍於珪 兇潛行謀構當疑懼之際激忠烈之誠突刃剖心保明先 休膺上宇之錫安金藏忠義奉國精誠事君往屬酷吏肆 者并不須令却上其上都委中書門下疏理京城委留守 天下諸州長官當日處理其責保停務之類並宜準此 見危授命沮奸邪之思轉禍存福獲明夷之貞雖鳴玉 不解難忠為今德保祐君主安固邦家則必荷寵光之 追封安金藏代國公制

兼遂又嵩郡天險方位土中而陵寢地遥攀望增感且布 漢高皇永懷於沛邑東京數帝每幸於春陵豈不遠思衙 昔之握皇綱執大象者或省方以肆觀或巡行以觀風故 **木無忘敬拜沉境乃近壤城惟列都旣行幸是常亦情禮** 勞必也中止惟彼堯俗古風猶遽方於誰郡王業是同西 順動之儀者生多傒來之數每欲時邁因而布和憚於人 迹觀其出豫稍涉遐遠朕自臨馭天下風級人極法駕罕 軒轅至崆峒之野夏禹列塗山之會雖往古遺事先王高 幸北都制

老子道德經宜令士庶家藏一本每年貢舉人量減尚書 政而行化實展懷於志思宜取今年十月十二日幸北都 繼好之義雖屬邊鄙受命以出必在親賢事欲重於當時 多安全厚文 考二十三 之此動亦宜家置一本每須三省以識朕懷 論語策 便還西京所司雄式 故崇於殊俗選衆之舉無出宗英工部尚書李高體 命李高使吐蕃制 命貢舉加老子策制 兩條準數加老子策甲尊崇道本宏益化源今

持節充入吐蕃使所司準式發遣 主既在蕃中漢廷公卿非無專對有懷於遠夫豈能忘宜 柔嘉識致明尤為公族之領袖是朝廷之羽儀今金城公 去年江南淮南有微遭早處河南數州亦有水損百姓皇 南翼等咸調能賢式將朕命其閒乏絕應須賬貸便量事 思致雍熙事求良輔久勤夢寐近在周行尚書左丞韓休 處置回日奏聞 遣使宣慰江南淮南等州制 授韓休黃門侍郎同平章事制 . 己於

|已上並,宜全給式表殊常之澤用旌貞白之吏 守黃門侍郎同中書門下平章事 度人望是在朝選無踰宜拜命於瑣聞伊兼和於鼎實可 登朝備聞體國志存公亮誠合始終而羽翼朕躬金玉王 **藴道宏深乗德經遠清誠可以軌物素行可以律人一自** 欽定全唐文人卷二十三方 且優賢之義方册所先周急之宜激功攸在其俸禄一事 屢空醫藥靡給久此從官遂無餘資持操若斯古人何遠 王邱夙負良村累升茂秩比緣疾疹假以優間聞其家道 九禮部尚書王邱致仕制

光塵應召城閥莫詳甲子之數且謂義皇上人問以道極 盡會宗極今特行朝禮爰昇龍命可銀青光禄大夫號曰 欽定全唐文《卷二十三元宗 必正其名中大夫守黃門侍郎同中書門下平章事宏文 恒州張果先生遊方之外者也跡先高尚深入窈冥是混 門下春秋之義尚量卿才王國克楨莫先相位用增其命 通元先生 授裴耀卿侍中張九齡中書令李林甫禮部尚書 加張果封號制 制 品

修國史熟如故林甫可銀青光禄大夫守禮部尚書門 中學士熟如故九齡可銀青光禄大夫守中書令集賢院 泉源之智迪惟前人旣樞密載光而親賢稱首審能羣會 克清宜命曰鼎臣置之廊廟耀卿可銀青光禄大夫守侍 所在有乎寧惟是日疇咨故以多年歷選國釣緊賴邦 辟 館學士賜紫金魚袋上護軍裴耀卿正議大夫中書侍郎 金魚袋上柱國曲江縣開國男張九齡經濟之才式是百 同中書門下平章事集賢院學士副知院事兼修國史紫 正議大夫檢校黃門侍郎賜紫金魚袋上柱國李林前

傳於方外俾分符於近服可滑州刺史 高懸爵秩以待熟庸能者得之固其宜也契丹兵馬官李 ここし、正二一一一一元宗 二品熟如故主者施行 任委防缺周身因從於降點惟推念舊義在睦親宜迴 折蕃中貴種塞下雄才其謀慮之深既能轉禍當義勇 刺史信安郡王禕器能之美宗室所推才堪應務久當 下訓俗安人是資良牧棄瑕録用兹為令典使持節衛 封李過折北平郡王制 授信安郡王禕滑州刺史制

多定全唐文 卷二十三: 國子李尚隱長才致用直道為謀大任亟登晚節彌属臨 其在能者銀青光禄大夫守太子詹事上柱國高邑縣開 門下司徒之職事殷九賦連帥之任寄重十州兼而統之 輅之封仍異龍城之禮可封北平郡王同幽州節度副大 使賜帛一千匹 為我人鷹揚之師且息邊甲言念誠節宜超等數特加象 之發何異疾雷故得積年逋誅一 授李尚隱戸部尚書盆州長史劒南節度採訪使 制 朝蕩滌使鳥窟之衆復

臣之務可守戸部尚書兼益州大都督府長史持節剱南 壤外撫華戎保息萬人俾修夏官之典澄清三屬仍總使 事克斷不敢於煩苛去邪勿疑無避於強禦必能內均 室 少之事贈尚書左丞膊物二百段米栗二百石 無廖徽音遠隔興言念舊震悼於懷宜旌端揆之職用光 光輔先朝爰降優恩是為師保方期承命以配上祥厲 節度營田副大使兼節度採訪處置使散官熟封如故 飲定全害文 卷二十三元宗 象先含和毓粹體道居身迹在區中心遊象外懋昭丕德 贈充國公陸象先尚書左丞制

熟中外無事朝野乂安不因此時何云燕喜卿等即宜坐 自古風俗所傳歲時相樂亦合因事大小在人朕生於仲 使支度營田九姓長行轉運使上柱國慶王時克勤於躬 藩維是屬太子太師兼凉州大都督河西諸軍州節度大 飲相與盡歡 下汝作司徒以親百姓予有禦侮爰整六師中外之寄 厥 日惟五遂為嘉節慶感誠深今屬時和氣清年穀漸 授慶王琮司徒制 千秋節宴羣臣制

允協既訓每有志於敦學常不忘於樂善事上之道忠順 乃功勿替朕命可守司徒餘如故 在焉舉能之義親疏一也固可委以邦教受之廣謀勉圖 從 欲苟求變古以示不同卿等以為外族之親禮無厭降報 用為制服所有存抑盡是推思朕情有未安故令詳議 亦姑伯之匹敵也豈有所引者疎而降所親者服又婦 服有六此其一也降殺之制禮無明文此皆自身率 之制所引甚疎且姨舅者屬從之至近也以親言之 答侍中裴耀卿論服制手制

實國楨望為人範懷匪躬之節竭奉上之心金紫光禄大 夫中書令集賢院學士修國史上柱國始與縣開國男張 門下愛和陰陽儀刑端揆自非人傑孰副愈皆金紫光禄 夫者也夫以姨舅夫既有服從夫而服尤是睦親實欲令 多定全唐文·卷二十三 !! 九齡器識宏遠文詞博贈員經濟之量有謀敏之能自翼 大夫侍中宏文館學士上柱國稷山縣開國男裴耀卿才 不肯者企及賢者俯就卿等宜熟詳之 罷侍中裝耀卿中書令張九龄為尚書左右丞相 制

者施行 **賛台階葬倫有序直道之心彌固審諤之操逾堅並可以** 儀刑百察緝熙庶績宜迴掖垣之任俾列宫師之表雅卿 欽定全唐文《卷二十三元宗 善為理者固道在至公能官人者便財無滞用今之羣吏 可守尚書左丞相九齡可尚書右丞相散官熟封如故主 議進期乎知勘且曰無遺彼欲速者自街而至廉恥之道 衛州長史盧見象等頃在條察克著聲飲計年有成以時 列於郡國績有可考政或可觀旣久於所職當敘之以位 遷衛州長史盧見象等制

崇德尚齒三代丕義敦風勘俗五教攸先其曾任五品,已 上清資官以禮去職者所司具録名奏老疾不堪釐務者 令中書門下與法官詳所犯輕重具狀奏聞 協平邦之典致之仁壽之域自今有犯死刑除十惡罪宜 宇子育黎孫未嘗行極刑起大獄上元降鑒應以祥和思 朕猥集休運多謝哲王然而哀矜之情小大必慎自臨寰 喪干進之責深悠悠斯人朕無所取凡百在位宜悉乃懷 推思臣庶制 恤刑制

欽定全唐文 卷二十三元宗 夏典有虞賓之位周書載微子之封皆所以啟迪前王發 旬節休假並不須親職事任追勝為樂宣示中外知朕意 與致仕道士女冠宜隸宗正寺僧尼令祠部檢校百司每 以承天休可襲封介國公 成性温潤合禮雅有助祭之容宛是宜邦之具爰復爾國 揮後嗣故介國公宇文超男晏倬彼茂緒曰予嘉客肅雍 廢皇太子瑛為庶人制 命宇文晏襲封介國公制

長爰加無育為擇師資欲其恭順而不率訓典潜起異 獲已歸諸大義瑛可發為庶人鄂王瑶光王琚等自幼及 及與太子瑛構彼凶人同惡相濟亦旣彰露成引其咎孽 謀陷弟兄朕之形言愧於天下教之不改其如之何蓋不 構異端頃在東都頗聞疑議所以她兄薛愿流謫海隅導 之誨之謂其遷善駙馬都尉薛鏞亦如之兄也今又煽惑 策奇器為國之本豈不謂然太子瑛幼而鍾愛爰加訓 朕躬承天命嗣守先業不敢失墜將裕後昆所以擇元良 親之師範所望日新年旣長成與之婚冠而妃之昆弟潛

感亂君親潛通宫禁引進朋黨陷元良於不友誤二子於 由己作義在減親並降為庶人別馬都尉薛錦離間骨肉 欽定全唐文 卷二十三元宗 名檢續承先緒休有令聞能樂曲阜之封不忝高陽之族 故惠宣太子男守鴻臚卿樂安郡王瑗等咸自砥礪克修 危之寬可長流瀼州百姓 犯合實嚴誅言念瑣姻用申寬典捨其兩觀之罰俾就三 門下兄弟之子於近屬而特深恩禮之情在諸孤而更切 不義險薄之行遂成門風皆惡迹自彰凶隱昭露據其所 加樂安郡王瑗等實封制

					 念往之恨	1 -
				•	刀撫存之思宜受賜	
		Ç.			 场於千室可共	=